



## Komunikadu Imprensa 02 Marsu 2023

### **JSMP ninia prezensa hodi fahe informasaun kona-ba asesu ba justisa formál: Responde ona komunidade Suku Saburai ninia preokupasaun kona-ba oinsa atu asesu ba justisa formál**

Iha 28 Feveireiru 2023, JSMP realiza treinamentu ba Estrutura Suku no komunidade balun iha Suku Saburai, Postu Administrativu Maliana, Munisípiu Bobonaro. Partisipante sira ne'ebé partisipa iha treinamentu ne'e kompostu husi xefe aldeia, delegada feto, joven feto no joven mane no ema ho defisiénsia. Totál partisipante hamutuk ema na'in 22 kompostu husi feto 17 no mane 5 (lima).

Materia ne'ebé apresenta iha treinamentu ne'e kona-ba asesu ba justisa formál, definisaun violénsia doméstika, Lei Kontra Violénsia Doméstika (LKVD), prosesu legál no oinsa atu refere kazu violénsia bazeia ba jéneru tuir prosesu justisa formál.

Objetivu husi treinamentu ne'e atu habelar informasaun no hasa'e koñesimentu membru estrutura suku no komunidade sira nian kona-ba violénsia bazeia ba jéneru no prosedimentu kazu iha justisa formál.

“JSMP hanoin katak importante tebes atu hasa'e koñesimentu lideransa komunitáriu no komunidade sira kona-ba asuntu violénsia bazeia ba jéneru no asesu ba justisa fórmal iha Timor-Leste atu nune'e sira bele iha sensibilidade ba asuntu sira ne'e no bele inkoraja sira oinsa bele prosesu sira nia kazu tuir dalan justisa formál,” dehan Sra. Ana Paula Marçal, Diretora Ezekutiva JSMP.

Xefi Suku Saburai, Sr. Vicente dos Santos iha ninia intervensaun haktuir katak kazu barak akontese ona iha sira nia suku tantu krime kmaan no krime ne'ebé ho natureza violénsia doméstika no mós kazu abandona menór sira. Tuir xefe suku, impedimentu boot ne'ebé komunidade sira hasoru maka problema kultura iha suku refere, ne'ebé halo komunidade sira taka-an atu prosesu sira nia kazu tuir dalan formál no lakohi hato'o keixa ba polísia. Maibé xefe suku espera katak ho prezensa JSMP nian hodi fahe informasaun kona-ba oinsa atu prosesu kazu sira tuir dalan justisa formal,

Rua Beco Lakateu, Aldeia Manufuik,  
Suku Colmera, Administrativu Vera Cruz  
Dili Timor Leste  
PoBox: 275

Telefone: 3323883 | 77040735

[www.jsmp.tl](http://www.jsmp.tl)

[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl



komunidade sira bele hatene ona oinsa atu prosesu sira ninia kazu tuir dalan justisa formál.

Xefi suku hatutan liután katak agradese tebes ba JSMP nia prezensa tanba bele fahe ona informasaun importante kona-ba asuntu justisa nian liuliu ligadu ho violénsia bazeia ba jéneru no asesu ba sistema justisa formal iha Timor-Leste.

Adjuntu Diretora JSMP, Sr. Casimiro dos Santos, iha ninia intervensaun agreedese tebes ba xefe suku no estrutura suku ne'ebé simu ona JSMP atu bele realiza treinamentu ne'e. Alende ne'e, introdús mós JSMP ninia serbisu sira inklui asisténsia legál ne'ebé mak agora dadaun JSMP hala'o hela iha Munisípiu Maliana.

Iha sesaun husu no hatan partisipante sira husu kona-ba prosedimentu kazu feen-la'en fahe malu maibé abandona hela sira nia oan (menór). Hatan ba preokupasaun ne'e, husu ba menór ninia inan atu hatama asaun sivíl kona-ba ezersisiu podér paternál ne'ebé regula kona-ba regra vizita, alimentasaun, hela fatin, no siguransa. Bainhira atu hatama asaun ne'e ba iha Ministériu Públiku hanesan representante menór tenke kompleta inan-aman biologis ho menór sira ninia dokumentus maka hanesan, sertidaun batismu no RDTL.

Iha treinamentu ne'e mós partisipante ida kestiona kona-ba desizaun ba iha kazu abandona menór ida ne'ebé haktuir katak menór ninia aman tenke fó osan kada fulan ba menór sira, maibé realidade depoisde desizaun husi tribunál, menór nia aman fó deit osan fulan ida to'o agora. Hatan ba preokupasaun ne'e, JSMP rekomenda ba iha menór ninia inan atu hatama keixa kontra menór ninia aman ba polísia tanba menór ninia aman kontra ona krime la halotuir obrigasaun alimentár.

Alende ne'e kestaun sira iha leten, partisipante sira mós husu kona-ba vítima sira ne'ebé vulneravel teb-tebes hanesan hela ho distansia do'ok no laiha osan atu ba tuir julgamentu. Hatan ba preokupasaun ne'e, JSMP esplika kona-ba serbisu asisténsia gratuita ne'ebé JSMP fó durante ne'e ba vítima atu asesu ba justisa formal hahú husi prosesu inísiu iha polísia, ministériu públiku no remeta ba iha tribunál.

Treinamentu ne'e realiza ho apoiu husi projetu Spotlight liuhusi UNDP no União Europeia.

Atu hetan informasaun liutan favór kontaktu:

Rua Beco Lakateu, Aldeia Manufuik,  
Suku Colmera, Administrativu Vera Cruz  
Dili Timor Leste

PoBox: 275

Telephone: 3323883 | 77040735

[www.jsmp.tl](http://www.jsmp.tl)

[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

Ana Paula Marçal  
Diretora Ezekutiva JSMP  
Diresaun e-mail: [ana@jsmp.tl](mailto:ana@jsmp.tl)  
Website: <http://jsmp.tl>

Rua Beco Lakateu, Aldeia Manufuik,  
SukuColmera, Administrativu Vera Cruz  
Dili Timor Leste  
PoBox: 275  
Telefone: 3323883 | 77040735

[www.jsmp.tl](http://www.jsmp.tl)  
[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPtl